

Transkription von Stadtbucheintrag DAN 1375a

Ort, Datierung: Danzig, 1375-01-25

Signatur: Stadtarchiv Danzig, 300, 32, 79, 28 (liber heridatoris)

Inhalt: Rat der Stadt Danzig: Eigentumsrecht und Zinsbestimmung

di gang den di stat gehat had / durch dy budin gobe(n)le von rudin / dy sal nv vortmer gobe(n)le vrow(en)
/ Elizabet vn(de) ire(n) kindere(n) zu ghe/horig in sulkeme bescheyde daz / dy stat eyne(n) Born durch
dy / buden leyden mag vor den / gank vn(de) dar mutlaw¹ dar vore sal dy ge/nante vrowe² Elizab(et)
vnde² Ere kindere / vnde Ere nochkomelinge / der stat von tzinsen vffe sanct(us) / m(er)tini tag j
m(a)r(k) vppetue² d(a)t(um) cr(i)st(ino) / die c(on)uersione s(anc)ti pauli Anno / lxxv . /³

Tho merkin is dat dy gank dy / dar gink ichtqw(er)en durch dy bûde(n) / gobe(n)le von rudin dy der
stat zu ghe/horte dy sal nv vortme vrowe / Elizab(et) dy Elik wyp gewest is / gobe(n)le vorgena(n)t
vnde ere(n) kyn/dere(n) vnde nochkomelinge(n) zu ghehore(n)⁴ yn al/sulkeme bescheyde daz dy stat
durch / den selbin gank vs der mûtlove / leydin mag eyne(n) burn dy vor / deme selbin gange steen sal
dar / vor sal dy genante vrowe Eliz/zab(et) vnde ere kyndere vnde // Ere nochkomelinge alle iar / vffe
sente mertins dach des / heyligen bischofs der stat tzin/sen j m(a)r(k) Ewiges tzinsis vn(de) / wen des
not is de Bornen / zu bessirn zo mag dy stat / dy losin bessirn sunder yema(n)des / widersproche
Datu(m) Anno / d(omi)ni m ccc lxxv c(ri)stina die / c(on)uersione sancti pauli /

¹ **vn(de) dar mutlaw** eingefügt

² **vrowe** eingefügt

³ gesamter Artikel durchgestrichen; Datum des Eintrags ist oben angegebenes Datum.

⁴ **zu ghehore(n)** eingefügt